

World Vision

1757PA19

ՓՈԽԸՐԲՈՆՄԱՆ ՀՈՒՇԱԳԻՐ

«ՎՈՐԼԴ ՎԻՃՆ ԻՆԹԵՐՆԵՅՇՆԼ»

ՄԻԶԱԶԳԱՅԻՆ ԲԱՐԵԳՈՐԾԱԿԱՆ ԿԱԶՄԱԿԵՐՊՈՒԹՅԱՆ
ՀԱՅԱՍՏԱՆԻ ՄԱՄՆԱՃՈՒՂԻ,

ԵՎ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԼՈՌՈՒ ՄԱՐԶՊԵՏԱՐԱՆԻ

ՄԻԶԵՎ

ԵՐԵՎԱՆ

2019թ.

ՓՈԽԸՆՔՈՆՍԱՆ ՀՈՒՇԱԳԻՐ

«01» հոկտեմբերի 2019թ.

թ. Երևան

Հայաստանի Հանրապետություն

«Վորլդ Վիժն Ինքերնեյշնլ» միջազգային բարեգործական կազմակերպության հայաստանյան մասնաճյուղը (այսուհետ՝ ՎՎՀ), ի դեմս Ծրագրի տնօրեն Ժիրայր Էղիյանի, մի կողմից,

և

ՀՀ Լոռու մարզպետարանը (այսուհետ՝ Գործընկեր), ի դեմս ՀՀ Լոռու մարզպետ Անդրեյ Ղուկասյանի, մյուս կողմից, (Երկուսը միասին՝ Կողմեր), հաշվի առնելով, որ՝

ա) ՎՎՀ-ն նպատակ ունի աջակցել ՀՀ Լոռու մարզի համայնքներին, համայնքաբնակ լնտանիքների կենսամակարդակի բարձրացմանը և երեխաների՝ հատկապես առավել խոցելի խմբերի երեխաների, բարեկեցության ապահովմանը համապատասխան ծրագրերի իրականացման միջոցով,

բ) ՎՎՀ-ն բազմաթիվ երեխայակենտրոն ծրագրեր է իրականացնում Հայաստանում, որոնց հիմնական նպատակն է աջակցել ՀՀ Լոռու մարզի համայնքներում բնակվող երեխաներին՝ զարգացման, կրթության և օրինական շահերի պաշտպանության հարցերում,

գ) Կողմերը մտադիր են սահմանել իրենց համագործակցության հիմնական պայմանները՝ կնքելով սույն Փոխըմոնման հուշագիրը (այսուհետ՝ Հուշագիր) հետևյալի մասին.

ՀՈԴՎԱԾ 1. ՀԱՄԱԳՈՐԾԱԿՑՈՒԹՅԱՆ ՆՊԱՏԱԿՆԵՐԸ

1.1 Նպաստել Տարածքային ծրագրի կողմից աջակցվող համայնքների առավել խոցելի լնտանիքների դիմակայունության բարձրացմանը:

- 1.2 Նպաստել նշված համայնքներում բնակվող առավել խոցելի ընտանիքների երեխաների զարգացմանն ու աճին՝ ծնողների, խնամողների և խնամակալների, ծառայություն մատուցողների (կրթական, առողջապահական և շահերի պաշտպանության կառույցների) ինստիտուցիոնալ կարողությունների զարգացման միջոցով.
- 1.3 Հզորացնել երեխայի պաշտպանության մեխանիզմները և համայնքահեն ծառայությունները՝ երեխաների, մասնավորապես առավել խոցելի երեխաների և նրանց ընտանիքների համար ներդաշնակ ընտանիքներում, համայնքներում ապրելու հնարավորություններ ստեղծելով:
- 1.4 Սույն Հուշագրով նախատեսված գործողությունները ՎՎՀ-ն կիրականացնի Ալավերդի տարածքային ծրագրերի (ՏԾ) իրականացման գրասենյակների միջոցով:

ՀՈԴՎԱԾ 2. ՀԱՄԱԳՈՐԾԱԿՑՈՒԹՅԱՆ ԱՌԱՐԿԱՆԵՐԸ/ ՀԱՄԱԳՈՐԾԱԿՑՈՒԹՅԱՆ ՇՐՋԱՆԱԿԸ

- 2.1 Նպաստել Տարածքային ծրագրի կողմից աջակցվող համայնքների առավել խոցելի ընտանիքների դիմակայունության բարձրացմանը՝ աղքատության փուլային հաղթահարմանն ուղղված ծրագրերի իրականացման միջոցով:
- 2.2 Նպաստել առողջապահական, նախադպրոցական և դպրոցական ուսումնական հաստատությունների ծառայություն մատուցողների ինստիտուցիոնալ կարողությունների բարելավմանն ու զարգացմանը առավել խոցելի ընտանիքների երեխաներին մատուցող ծառայությունների որակը բարձրացնելու նպատակով, ինչպես նաև ծնողների ու խնամողների կարողությունները՝ դրական ծնողավարության մոտեցումները կիրառելու նպատակով.
- 2.3 Երեխաների Պաշտպանության դեպքերի հայտնաբերման և ուղղորդման մեխանիզմների բարելավման ու զարգացման միջոցով հզորացնել խոցելի

Երեխաների և նրանց ընտանիքների համար գործող համայնքահեն ծառայությունները, բարձրացնել ընտանիքների ու երեխաների սոցիալ-տնտեսական դիմակայունությունը.

ՀՈԴՎԱԾ 3. ԴԵՐԵԲԻ ԲԱՇԽՈՒՄ ԿՈՂՄԵՐԻ ՊԱՐՏԱԿԱՆՈՒԹՅՈՒՆՆԵՐ

3.1 ՎՎՀ-ն պարտավորվում է Լոռու մարզի Ալավերդու տարածաշրջանների՝ իր ծրագրերի տարածքում ներգրավված Ալավերդի, Ախթալա, Օձուն և Թումանյան համայնքներում, իրականացնել համայնքների հետ քննարկված և հաստատված ոլորտային ծրագրերը (Աղքատության հաղթահարման ծրագիր, երեխայի և ընտանիքի աջակցության ծառայությունների հիմնադրման/բարելավման ծրագիր, նախադպրոցական ներառական կրթության ծրագիր, հանրակրթական դպրոցների «Բոնությունից զերծ դպրոց» ծրագիր, ծնողավարարության հմտությունների զարգացման ծրագրեր)՝ համաձայն տեղական գործընկերների հետ կնքված համագործակցության հուշագրերի:

3.2 ՀՀ Լոռու մարզպետարան՝ իր ենթակա համապատասխան ստորաբաժանումների և կառույցների միջոցով, ՀՀ օրենսդրությամբ սահմանված կարգով աջակցում է նշված ծրագրերի իրականացմանը:

ՀՈԴՎԱԾ 4. ՀԱՍՏԱԳՈՐԾԱԿՑՈՒԹՅԱՆ ՀԻՄՆԱԿԱՆ ՍԿԶԲՈՒՆՔՆԵՐԸ ԵՎ ԿԱՆՈՆՆԵՐԸ

- 4.1. Կողմերը համաձայն են, որ տեղական գործընկերների հետ կնքված հուշագրերում նշված գործողությունները կարող են ենթարկվել փոխադարձ վերահսկման՝ թե տեղական, թե մարզային մակարդակով:
- 4.2. Կողմերը համաձայն են, որ համաձայնեցված ծրագրերից հայտնաբերված որևէ շեղում և շտկում ենթակա է քննարկման, իսկ որոշումները կայացվում են համատեղ:

- 4.3. Կողմերը համաձայն են պարբերաբար հանդիպել և տեղեկատվություն փոխանակել առնվազն կիսամյակը մեկ անգամ:
- 4.4. Կողմերն ընդունում են յուրաքանչյուր Կողմի անկախությունը և կնքում են սույն Հուշագիրը փոխադարձ վստահության, հարգանքի և պատասխանատվության ոգով:
- 4.5. Սույն Հուշագիրը չի սահմանափակում որևէ Կողմի իրավունքը՝ համագործակցել մարդասիրական և զարգացման ծրագրեր իրականացնող այլ կազմակերպությունների հետ:
- 4.6. Սույն Հուշագրով նախատեսված գործունեության բարեհաջող իրականացումն ապահովելու նպատակով Կողմերը պարտավորվում են սերտորեն համագործակցել միմյանց հետ և համախմբել իրենց ջանքերը փոխադարձաբար համաձայնեցված միջոցառումների իրագործման միջոցով: Ծրագրերի իրականացման հետ կապված որոշակի պայմաններ կարող են սահմանվել Կողմերի միջև կնքված առանձին պայմանագրերով:
- 4.7. Կողմերը համաձայնվում են անմիջապես արձագանքել մյուս Կողմի առաջարկություններին:
- 4.8. Գործընկերը պարտավորվում է ապահովել իր ընդհանուր աշակեցությունը տարբեր ծրագրերով նախատեսված միջոցառումների և գործողությունների կազմակերպման ընթացքում:

ՀՈԴՎԱԾ 5. ԵԶՐԱՓԱԿԻՉ ԴՐՈՒՅԹՆԵՐ

5.1. Հուշագրի ժամկետը

Սույն Հուշագիրը գործում է այն բոլոր Կողմերի կողմից ստորագրելու պահից:

Սույն Հուշագիրը գործում է մինչև 2019թ. սեպտեմբերի 30-ը:

5.2. Հուշագրի վաղաժամկետ լուծումը

Կողմերից յուրաքանչյուրը կարող է վաղաժամկետ լուծել սույն Հուշագիրը, եթե մյուս Կողմը չի պահպանում Հուշագրի դրույթները: Հուշագրի վաղաժամկետ լուծման դեպքում յուրաքանչյուր նախաձեռնող Կողմ պարտավոր է նախապես գրավոր ծանուցել մյուս Կողմին առնվազն 30 (երեսուն) օրացուցային օր առաջ:

5.3. Հուշագրի փոփոխություններն ու լրացումները

Հուշագրում կատարվող փոփոխությունները և նոր համազործակիցների հավելումները քննարկվում և որոշվում են համատեղ:

Սույն Հուշագրի բոլոր փոփոխություններն ու լրացումները վավեր են, եթե դրանք կատարված են գրավոր ձևով, ստորագրված և կնքված են բոլոր Կողմերի կողմից:

5.4. Վեճերի լուծումը

Սույն Հուշագրի հետ կապված բոլոր վեճերը Կողմերը կփորձեն լուծել բանակցությունների միջոցով կամ այլ համաձայնեցված կարգով: Կողմերի միջև համաձայնության շհասնելու դեպքում վեճերը կլուծվեն համաձայն ՀՀ գործող օրենսդրության:

5.5. Հուշագրի օրինակները

Սույն Հուշագիրը կազմված է երկու իսկական օրինակից՝ մեկական օրինակ յուրաքանչյուր Կողմի համար, որոնցից յուրաքանչյուրն ունի հավասար իրավաբանական ուժ:

ՀՈԴՎԱԾ 6. ԿՈՂՄԵՐԻ ՀԱՍՑԵՆԵՐԸ ԵՎ ՎԱՎԵՐԱՊԱՅՄԱՆՆԵՐԸ

ՎՎՀ ԱԼԱՎԵՐԴՈՒ ՏԾ	Գործընկեր՝
------------------	------------

«Վորլդ վիժն ինքերնեյշնլ»
միջազգային բարեգործական
կազմակերպության
հայաստանյան մասնաճյուղ

Հասցե՝ ՀՀ, Երևան 0065,
Դոմանոս Մելիքյան փող. թիվ 1

Ծրագրի տնօրեն՝
Ժիրայր Էղիլյան

ՀՀ Լռու մարզպետարան

Հասցե՝ ք.Վանաձոր, 2001, Հայրի հրապարակ
հեռ.՝ (+ 374 322) 4-32-99, (+ 374 322) 2-31-99
ՀՎՀՀ՝ 06907202

ՀՀ Լռու մարզի մարզպետ՝

Անդրեյ Ղուկասյան

